



Broj: 02-05-29188-4/16  
Sarajevo, 12.10.2016. godine

Na osnovu člana 136. stav 3. i člana 146. Poslovnika Skupštine Kantona Sarajevo ("Službene novine Kantona Sarajevo", - Drugi novi prečišćeni tekst broj: 41/12, 15/13, 47/13 i 47/15), Vlada Kantona Sarajevo na **58. sjednici održanoj 12.10.2016. godine**, razmatrala je dostavljeni Prijedlog zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo predložen od strane POG "Naša stranka", i daje sljedeće

## MIŠLJENJE

1. Vlada Kantona Sarajevo podržava donošenje Zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo.
2. Vlada Kantona Sarajevo sugeriše predlagaču da do skupštinske rasprave razmotri i doradi predložena rješenja koja se odnose na:
  - naziv zakona – od faze nacрта do prijedloga ovog zakona promjenjen je naziv (dodata riječ: "utvrđivanje"), što mijenja koncept i suštinu teksta Zakona,
  - preciznije definiranje pojedinih pojmova u Zakonu, posebno pojma "imovina" i "članovi porodice", radi konkretizacije drugih zakonskih i podzakonskih rješenja u smislu ovog zakona,
  - preciznije propisati sadržaj i formu prijave imovine – imovina za prijavu,
  - preciznije definisati zaštitu osobnih podataka kod ažuriranja prijave imovine,
  - usklađenost sa drugim važećim propisima (Krivični zakon FBiH, Zakon o krivičnom postupku FBiH, Zakon o prekršajima FBiH, Zakon o kantonalnom tužilaštvu Kantona Sarajevo, propisima iz oblasti bankarstva i drugim propisima), preciznije urediti kaznene odredbe ("namjera prikrivanja podataka o imovini", "udaljavanje" sa funkcije, "postupak za primjenu sankcije")
3. Nedostaje obavezna fiskalna procjena od strane predlagača.
4. Sastavni dio ovog Mišljenja su mišljenja Ministarstva pravde i uprave i Ministarstva finansija.
5. Mišljenje Vlade Kantona Sarajevo prosljeđuje se Skupštini Kantona Sarajevo.

**PREMIJER**

**Elmedin Konaković**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Ministarstvo finansija
6. Evidencija
7. Arhiva



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



657

05-10-2016

Bosna i Hercegovina  
Federacija Bosne i Hercegovine  
**KANTON SARAJEVO**  
**Ministarstvo finansija**



Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry of Finance**

Broj:08-01-14-29203/16  
Sarajevo, 04.10.2016. god.

*Elyza B., 07.10.2016.*  
*Prucrdj,*

4

**STRUČNA SLUŽBA VLADE**  
**KANTONA SARAJEVO**

**PREDMET:** Obavijest

Veza vaš broj 16-49-87-166/16 od 04.10.2016.god.

Vezano za Vaš zahtjev za mišljenje na Prijedlog zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo, obavještavamo Vas da je u mjesecu maju ove godine stupio na snagu Pravilnik o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj 34/16), te je potrebno da ovom Ministarstvu uz Prijedlog zakona i zahtjev za mišljenje na propis dostavite, na propisanom obrascu iz Pravilnika, izjavu o fiskalnoj procjeni Prijedloga zakona na Budžet Kantona Sarajevo.

Navodimo da je članom 8. Zakona o budžetima u FBiH („Službene novine Federacije BiH“, br. 102/13,9/14,13/14,8/15,91/15 i 102/159 ) i čl. 2. i 7. Pravilnika o proceduri za izradu izjave o fiskalnoj procjeni zakona, drugih propisa i akata planiranja na Budžet, između ostalog, propisano da obrađivač propisa i akata izrađuju izjavu o fiskalnoj procjeni propisa na budžet, kao i na finansijske planove vanbudžetskih fondova, te da ministarstvu finansija dostavlja na mišljenje propis zajedno sa izjavom o fiskalnoj procjeni datoj na propisanom obrascu:IFP-DA ili obrascu IFP-NE, u papirnom obliku.

Obrasci o fiskalnoj procjeni i Upute za popunjavanje istih dostupni su na internet stranici Federalnog ministarstva finansija.



**MINISTAR**  
**Prof.dr. Jasmin Halebić**

Dostaviti:

1. Naslovu
2. MF\_Sektor za budžet
3. a/a

Pripremila- Avdić Z *Z*



web: <http://mf.ks.gov.ba>  
e-mail: [mf@mf.ks.gov.ba](mailto:mf@mf.ks.gov.ba)  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62





361 26-08-16  
Dijet  
Clari

Broj: 03-02-26694/15  
Sarajevo, 19.09.2016. godine

- Adolins, Dž; 26.09.2016.  
Kumofst.

**STRUČNA SLUŽBA VLADE  
KANTONA SARAJEVO**  
gosp. Tarik Humačkić, sekretar

**PREDMET: Prijedlog Zakona o prijavljivanju, utvrđivanju porijekla i kontroli imovine izabranih dužnosnika, nosilaca izvršnih funkcija i savjetnika u Kantonu Sarajevo**

**VEZA: Vaš akt, broj: 16-49-87-166/16 od 15.09.2016. godine**

Postupajući po vašem aktu, broj i datum gornji, u skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj: 2/12 – Prečišćeni tekst i br. 41/12 i 8/15) i člana 4. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11, 30/11 i 23/15), Ministarstvo pravde i uprave razmotrilo je prijedlog Zakona o prijavljivanju, utvrđivanju porijekla i kontroli imovine izabranih dužnosnika, nosilaca izvršnih funkcija i savjetnika u Kantonu Sarajevo sa stanovišta usklađenosti ovog zakona sa odredbama Evropske konvencije o zaštiti ljudskih prava i osnovnih sloboda kao i sa drugim pravnim aktima kojima je uređena zaštita ljudskih prava, te daje sljedeće

### MIŠLJENJE

Regulisanje prijavljivanja, utvrđivanja porijekla i kontrole imovine samo jednog broja građana (izabranih dužnosnika, nositelja izvršnih funkcija i savjetnika) u Kantonu Sarajevo predstavlja diskriminaciju iz razloga:

Izabranim dužnosnicima i nositeljima izvršnih funkcija u Kantonu Sarajevo, Gradu Sarajevu i općinama na teritoriji Kantona Sarajevo uvjerenje o dobijenom mandatu ne izdaje Skupština Kantona Sarajevo, Gradsko, odnosno općinsko vijeće, nego Centralna izborna komisija BiH (član 2.9. tačka 10. Izbornog zakona BiH), kojoj istim ovim zakonom (čl. 15.7, 15.8. i 15.9) svi kandidati imaju dužnost dostaviti potpisanu izjavu o imovinskom kartonu sa tačno propisanim sadržajem. S obzirom da je Izbornim zakonom BiH, kojim se reguliše provođenje općih i lokalnih izbora, regulisano je i pitanje imovine i imovinskih kartona, a kojim su obuhvaćeni i izabrani dužnosnici i nositelji izvršnih funkcija u Kantonu Sarajevo, Gradu Sarajevu i općinama na teritoriji Kantona Sarajevo. Dostavljeni prijedlog zakona bi predstavljao diskriminaciju u odnosu na druge izabrane dužnosnike i nositelje izvršnih funkcija drugih nivoa vlasti (BiH, Federacija BiH, Republika Srpska,




drugi kantoni i drugi gradovi i općine van Kantona Sarajevo), što je u suprotnosti sa odredbama člana 14. Evropske konvencije o ljudskim pravima o osnovnim slobodama i odredbama člana 2. Zakona o zabrani diskriminacije ("Službeni glasnik BiH", broj 59/09).

Pored navedenog uočeno je i slijedeće:

- Naziv prijedloga Zakona izmjenjen je u odnosu na nacrt Zakona, na način, da je dodata riječ "utvrđivanje", a koja se odnosi na porijeklo imovine, što u suštini mijenja koncept i suštinu teksta Zakona. Istovremeno, u samom tekstu zakona nisu predviđene odredbe kojima se propisuje način utvrđivanja porijekla imovine (postupak i nadležan organ), niti je ova materija bila predmet regulisanja u nacrtu.
- U članu 3. prijedloga Zakona propisano je da je Ministarstvo pravde i uprave Kantona Sarajevo nadležno za provedbu Zakona, te koordiniranje rada Ureda za kvalitet i Komisije za nadzor provedbe Zakona, koju imenuje Skupština Kantona Sarajevo. Međutim, u konkretnom slučaju, nije niti jednom odredbom propisan način na koji Ministarstvo provodi ovaj Zakon, osim što je u istom članu, stav 2. određeno, da će Ministarstvo u roku od 30 dana od stupanja na snagu ovog Zakona, donijeti Pravilnik o uspostavljanju i vođenju registra imovine o prijavljivanju, utvrđivanju porijekla i kontroli imovine izabраних i imenovaniх dužnosnika, nosilaca izvršnih funkcija i savjetnika u Kantonu Sarajevo, kojim će se urediti uspostavljanje jedinstvene evidencije, način vođenja Registra, subjekti upisa, sadržaj i forma potrebne dokumentacije, unos, čuvanje i zaštita prikupljenih podataka. Navedene odredbe su u koliziji sa odredbom člana 17. ovog zakona, kojim je propisano da će naprijed navedeni pravilnik usvojiti Vlada Kantona Sarajevo, na prijedlog Ministra pravde i uprave Kantona Sarajevo.

Ovo mišljenje se daje u okviru ovlaštenja Ministarstva pravde i uprave Kantona Sarajevo propisanog odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo, koje se odnosi na usklađenost ovog zakona sa odredbama Evropske konvencije o zaštiti ljudskih prava i osnovnih sloboda kao i sa drugim pravnim aktima kojima je uređena zaštita ljudskih prava, međutim, ostale primjedbe i sugestije na usklađenost navedenog zakona sa drugim zakonima i propisima Ministarstvo će iznijeti na sjednici Vlade Kantona Sarajevo prilikom razmatranja teksta u redovnoj proceduri.



web: <http://mpu.ks.gov.ba>  
e-mail: [pravda@ks.gov.ba](mailto:pravda@ks.gov.ba)  
Tel: + 387 (0) 33 562-083, Fax: + 387 (0) 33 562-241  
Sarajevo, Reisa Džemaludina Čauševića 1

